

Comunicaziun da medias

Metter in funcziun l'implant electric da dotagi serra Pradella: forz'electric ecologica per 600 chasadas

Las Ouvras Electricas d'Engiadina SA (OEE) piglian per la prüma jada in funcziun l'implant electric da dotagi serra Pradella.

Davent dad hoz po gnir utilisà eir il surscul, vuol dir eir quella part da l'aua chi normalmaing be cula giò da l'En e chi nu vegn dovrada per la gestiun da l'implant electric a Martina, per prodüer forz'electric ecologica.

L'implant electric ha pudü gnir realisà in raduond 18 mais.

L'implant cun üna producziun annuala da 2.8 uras kW pudarà furnir energia regenerabla per bundant 600 chasadas. Las investiziuns da l'implant electric nouv s'amuntan a CHF 5.4 miu. Da quella somma es gnüda surdatta üna part considerabla da las incumbensas a dittas localas e regionalas. Tuot in tuot sun statta partecipadas sur 70 dittas vi da la fabrica da l'implant.

Illa centrala nouva s'haja installà duos turbinas identicas dal tip "caplan". Üna da quistas maschinas fa adöver da l'aua da dotagi (aua restanta) d'ürant tuot on, l'otra invezza po utilisar il surscul chi fin hoz nun es gnü trat a nüz e chi culaiva sur la serra giò per l'En d'ürant var 90 dis l'on. L'implant electric da dotagi vala sco oget d'exampel chi pussibiltescha l'adöver da la forza idraulica sainza ingün'intervenziun illa natüra.

La gestiun da prouva düra probabelmaing fin in mai da quist on. Pür lura po l'implant electric gnir surdat a la gestiun regulara e quai a l'ocasiun d'üna festa d'inauguraziun.

Ouvras Electricas d'Engiadina SA



Foto 1: Plazzal da fabrica da l'implant electric da dotagi serra Pradella our da l'ajer



Foto 2: Las duos turbinas identicas dal tip "caplan" illa centrala da l'implant

Uteriusas infuormaziuns:

Ouvras electricas d'engiadina SA

Michael Roth, directur

Tel. 081 851 43 11